



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

Broj:  
Sarajevo, \_\_. \_\_. 2023. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 07/23), Gradsko vijeće Grada Sarajeva, na \_\_. sjednici održanoj dana \_\_. \_\_. 2023. godine, primilo je k znanju

Informaciju o implementaciji Plana djelovanja za mlade

**PREDSJEDAVAJUĆI GRADSKOG VIJEĆA**

**Jasmin Ademović**





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

**INFORMACIJA**  
**O IMPLEMENTACIJI PLANA DJELOVANJA ZA MLADE**

**Predlagač:** Gradonačelnica  
**Obrađivač:** Gradska služba za obrazovanje,  
sport, kulturu i mlade

**Sarajevo, april 2023. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



## UVOD

Programom rada Gradskog vijeća Grada Sarajeva za 2023. godinu planirana je realizacija teme *Informacija o implementaciji Plana djelovanja za mlade* kvartalno, odnosno u mjesecima aprilu, julu, oktobru te januaru 2024. godine. U skladu sa navedenim Programom pripremljena je Informacija o implementaciji Plana djelovanja za mlade za prvi kvartal 2023. godine, a koja predstavlja aktivnosti poduzete u protekla tri mjeseca u skladu sa Planom djelovanja za mlade Grada Sarajeva.

Zakon o mladima Federacije Bosne i Hercegovine pod pojmom mladi podrazumijeva osobe u životnoj dobi od navršениh 15 do navršениh 30 godina starosti. Važno je istaći da su mladi, iako zasebna društvena kategorija koja ima svoje potrebe i probleme, integralni dio društva i jako važna podrška razvoju svih zajednica pa tako i grada Sarajeva.

Član 8. Zakona o mladima Federacije Bosne i Hercegovine navodi da odgovorni organi vlasti trebaju mladim osobama putem utvrđenih mjera dati na raspolaganje različite mogućnosti u cilju unapređivanja njihovog razvoja. Pod odgovornim organima vlasti Zakon podrazumijeva općinski, gradski i kantonalni nivo vlasti u Federaciji Bosne i Hercegovine.

Navedeni zakon obavezuje ove nivoe vlasti da odgovorno poduzimaju utvrđene mjere kako bi unaprijedili razvoj mladih ljudi. Pod utvrđenim mjerama podrazumijevaju se mjere predviđene usvojenim dokumentima, kao što su strategija prema mladima i program djelovanja za mlade koji je donijela svaka institucija zasebno na temelju strategije prema mladima.

U skladu s članom 14. Zakona o mladima Federacije Bosne i Hercegovine, općinski, gradski i kantonalni organi vlasti dužni su samostalno osigurati minimum mjera na planu rada s mladima i omladinskih aktivnosti, kao i mehanizme i kapacitete koji, između ostalog, uključuju uspostavljanje stručnog radnog tijela za izradu, ažuriranje i praćenje provedbe lokalnih i kantonalnih strategija prema mladima, a u čijem će radu učestvovati predstavnici vijeća mladih ili omladinskih udruženja.

Općinske, gradske i kantonalne vlasti zakonski su obavezne koordinisati aktivnosti u vezi s radom s mladima i omladinskim aktivnostima. Pod tom koordinacijom podrazumijeva se koordinisanje aktivnosti iz federalne, kantonalne, općinske ili gradske strategije prema mladima, odnosno programa djelovanja za mlade, te povezivanje sličnih projekata i aktivnosti, praćenje uspješnosti u provođenju i postizanju rezultata, vođenje evidencije omladinskih aktivnosti i dr.

Član 8. Zakona o mladima Federacije Bosne i Hercegovine navodi da rad s mladima nude omladinska udruženja, ostala udruženja, neformalne grupe i drugi nosioci rada s mladima iz nevladinog sektora, kao i nosioci rada s mladima iz vladinog sektora. Iz toga zaključujemo da odgovornost za rad s mladima snosi i vladin i nevladin sektor.

Kada je u pitanju nevladin sektor, pod istim podrazumijevamo omladinska i druga udruženja, neformalne grupe i druge nosioce rada s mladima, poput domaćih i stranih fizičkih i pravnih lica koja se bave pitanjima mladih ili su subjekti od značaja za promociju i zaštitu uloge i pozicije mladih, a imaju prava i obaveze u skladu s ovim zakonom.

Uzimajući u obzir gore navedeno, a u skladu sa Zakonom o mladima FBiH, Gradska služba za obrazovanje je inicirala izradu Plana djelovanja za mlade Grada Sarajeva.

Plan djelovanja za mlade Grada Sarajeva je prvi strateški dokument koji objedinjuje i razrađuje ciljeve i mjere kojima Grad Sarajevo želi odgovoriti na razne potrebe i probleme mladih i općenito poboljšati kvalitetu života mladih, te strateški podržati Gradsku upravu u radu sa mladima.

Proces izrade dokumenta koordinisala je Gradska služba za obrazovanje, sport, kulturu i mlade uz tehničku i stručnu pomoć Instituta za razvoj mladih Kult s kojim je navedena služba saradivala i na prvom istraživanju i analizi o problemima i potrebama mladih grada Sarajeva.

Plan djelovanja za mlade Grada Sarajeva 2020.-2024. usvojen je od strane Gradskog vijeća Grada Sarajeva, na sjednici održanoj dana 04.10.2019. godine, te isti obuhvata sedam oblasti od posebnog značaja za mlade, a to su:

- obrazovanje i nauka mladih;
- rad, zapošljavanje i preduzetništvo mladih;
- socijalna briga mladih;
- zdravstvena zaštita mladih;
- kultura i sport;
- aktivizam (učesće, volontiranje i mobilnost) mladih;
- sigurnost mladih.

## **IMPLEMENTACIJA PLANA DJELOVANJA ZA MLADE GRADA SARAJEVA**

Kada je riječ o aktivnostima koje su u proteklom periodu provedene implementirajući Plan djelovanja za mlade, Grad Sarajevo je posredstvom Gradske službe za obrazovanje, sport, kulturu i mlade, a u skladu sa mogućnostima, podržao projekte gdje su mladi ciljna skupina te je pružio podršku ovoj populaciji i u različitim oblastima.

## **OBLAST SOCIJALNE BRIGE ZA MLADE/OBLAST ZDRAVSTVENE ZAŠTITE MLADIH**

<b>Mjera:</b>
- Podrška institucijama, organizacijama i programima koji na području grada Sarajeva podržavaju socijalno uključivanje mladih



Grad Sarajevo je pružio podršku projektu nabavke ambulantnog vozila za prijevoz korisnika JU Zavoda Pazarić u zdravstvene ustanove doznačavanjem sredstava **JU „Zavod za zbrinjavanje mentalno invalidne djece i omladine Pazarić“** u iznosu od 60.000,00 KM, a na osnovu izmjena i dopuna Budžeta Grada Sarajeva za 2022. godinu. Djelatnost Zavoda Pazarić je socijalno i zdravstveno zbrinjavanje, obrazovanje i osposobljavanje za život i rad prema preostalim sposobnostima i sklonostima, i provođenje radne aktivnosti djece i omladine do 25. godine života sa invaliditetom – sa smetnjama u psihičkom razvoju umjerenog, težeg i teškog stepena, kao i lica sa kombinovanim smetnjama.

Do popune kapaciteta u Zavodu može se osigurati zbrinjavanje i lica starijih od 25 godina života sa invaliditetom, sa smetnjama u psihičkom razvoju umjerenog, težeg i teškog stepena, lica sa kombinovanim smetnjama, kao i lica kod kojih je završeno liječenje u zdravstvenim ustanovama.

## OBLAST KULTURE

**Cilj: Mladi na području grada Sarajeva aktivno koriste kulturne sadržaje i učestvuju u njihovom kreiranju**

**Mjere:**

- Poticanje obrazovanja publike, razvoja kreativnosti i kulturnog stvaralaštva mladih kroz saradnju aktera u društvu
- Promocija učešća mladih na kulturnim manifestacijama na području grada Sarajeva

U proteklom periodu pružena je finansijska podrška u iznosu od 15.000,00 KM JU „**Centar za kulturu i mlade Općine Centar**“ Sarajevo za projekat infrastrukturnog unaprjeđenja ove ustanove. Uzimajući u obzir činjenicu da je broj projektnih aktivnosti prevazilazio tehničke kapacitete ustanove, bilo je prioritetno obnoviti tehničku opremu i poboljšati tehničke uslove u kojima se realizuju značajni projekti i programi Centra. Planirano je osposobiti nove prostorije sjedišta na adresi Mis Irbina br. 12, a koje će služiti kao edukativni centar u kojem će se realizovati besplatni programi i aktivnosti za djecu i mlade, poput kurseva stranih jezika (njemački i italijanski jezik), kurs računara, škola stripa, te kurs digitalnih inovacija.

**Udruženje za podršku i razvoj „Novi koncept“** organizator je Pozorišne online predstave za mlade „*To je raj lutka moja*“, a čiji je fokus na prevenciji ovisnosti o opojnim drogama. Cilj projekta je da se mladi na njima prihvatljiv način informišu o štetnosti konzumacije opojnih droga te da se roditeljima i nastavnicima pruži podrška u svakodnevnoj komunikaciji u ovom povodu. Ciljna skupina su učenici viših razreda osnovnih i srednjih škola na području Bosne i Hercegovine. Predstava će biti emitovana uživo putem YouTube kanala, Facebooka i Instagrama. Organizatori očekuju doseg, indirektni i direktni, od 100.000 osoba koje će pregledati predstavu. Grad Sarajevo je realizaciju ovog projekta podržao sredstvima u iznosu od 5.000,00 KM.

**Udruženje „Alter Futura“** organizator je projekta *Edukacija mladih marginaliziranih grupa o kulturnim sadržajima na području grada – „Sarajevo otvoreni grad – Sarajevo open city“*. Prilika u radu sa mladima, ali i drugim društvenim grupama jeste uključivanje u rad na kulturološkom dijalogu kroz digitalizaciju, odnosno stvaranje jedinstvenog digitalnog prostora za povezivanje vjekovnih tradicionalnih vjerskih zajednica, nacionalnih spomenika u gradu Sarajevu, prezentirajući Sarajevo kao otvoreni grad. Projekat želi edukovati mlade iz marginaliziranih skupina o kulturnom blagu i predstaviti nacionalne spomenike u Sarajevu. Predviđa održavanje 4 radionice/edukacije o kulturnom i nacionalnom blagu u gradu Sarajevu. Nakon izgradnje web portal i interaktivne mape, iste će biti date na korištenje korisnicima unutar BiH te u regionu. Navedeni projekat podržan je sredstvima u iznosu od 4.000,00 KM.

## OBLAST OBRAZOVANJA

**Cilj: Mladi Grada Sarajeva imaju osigurane preduslove za nastavak kvalitetnog školovanja i potaknuti su ostati u formalnom obrazovanju**

**Mjera: Doprinos Grada Sarajeva studentskom/učeničkom standardu**

Na osnovu izmjena i dopuna Budžeta Grada Sarajeva za 2022. godinu, u proteklom periodu pružena je podrška JU „Srednja muzička škola Sarajevo“ u iznosu od 25.000,00 KM za nabavku klavira. Navedena škola nije bila u mogućnosti nabaviti niti jedan klavir već duži niz godina, a učenici i nastavnici bili su na nastavi primorani svirati na dotrajalim instrumentima, stoga je Grad Sarajevo rado podržao navedeni projekat.

JU „Srednjoj mašinsko tehničkoj školi“ pružena je podrška u iznosu od 6.000,00 KM, a za opremanje školske biblioteke i čitaonice.

Smatramo da značajnu podršku mladima predstavljaju konkretne aktivnosti na unaprjeđenju uslova u kojima se odvija njihovo svakodnevno obrazovanje i odrastanje, a koje će biti od koristi i generacijama koje dolaze. Tako je pružena podrška i JU „Srednjoj ugostiteljsko-turističkoj školi“ u iznosu od 5.000,00 KM za nabavku nape potrebne za izvođenje praktične nastave.

JU „Prva gimnazija Sarajevo“ dobila je podršku Grada Sarajeva pri izvođenju projekta sanacije učeničkih toaleta u svojem objektu u iznosu od 8.000,00 KM, dok je za istu namjenu pružena podrška i JU „OŠ Šejh Muhamed ef. Hadžijamaković“ u iznosu od 24.863,67 KM. Za sanaciju toaleta u JU „Srednja medicinska škola – Jezero“, na osnovu izmjena i dopuna Budžeta Grada Sarajeva za 2022. godinu, a posredstvom Gradske službe za urbano planiranje, investicijske, stambene i komunalne poslove, izdvojeno je 50.000,00 KM.

### STIPENDIJE GRADA SARAJEVA

Gradonačelnica Grada Sarajeva u januaru je raspisala Konkurs za stipendiranje učenika srednjih škola iz Budžeta Grada Sarajeva za 2023. godinu. Stipendije Grada Sarajeva dodjeljuju se za školsku 2022./2023. godinu, a sredstva za realizaciju obezbijedena su u Budžetu Grada Sarajeva za 2023. godinu. Konačna lista stipendista objavljena je početkom marta 2023. godine. Visina mjesečne stipendije iznosi 100,00 KM po učeniku, a dodjeljuje se za ukupno devet mjeseci.

Nakon obrade i bodovanja svih pristiglih aplikacija (ukupno 700), u skladu sa raspoloživim sredstvima, pravo na stipendiju ostvario je 341 učenik te je za ovu namjenu obezbijedeno više od 300.000,00 KM.

### PROJEKAT „ČESME MOGA GRADA“

Grad Sarajevo u saradnji s JU Srednja škola primijenjenih umjetnosti Sarajevo, u okviru Programa obilježavanja 6. aprila – Dana grada Sarajeva u 2023. godini, realizuje projekat pod nazivom „Česme moga grada“. Isti obuhvata javni poziv za takmičenje učenika svih srednjih škola s područja Kantona Sarajevo, nagrade/otkup najuspješnijih radova te prigodnu izložbu.

Cilj projekta je razvijanje kreativnosti, likovnosti i takmičarskog duha kod učenika, uz mentorstvo poznatih i priznatih umjetnika, te da se kroz upoznavanje učenika s multikulturalnošću ambijenta grada Sarajeva, na najbolji način obilježi 6. april – Dan grada Sarajeva. Konkurs je bio otvoren do kraja marta, a pravo učestvovanja imali su svi učenici srednjih škola s područja Kantona Sarajevo.

## **SVEČANA AKADEMIJA POVODOM OBILJEŽAVANJA DANA NEZAVISNOSTI BIH – 1. MARTA**

Sarajevski srednjoškolski učestvovali su u programu Svečane akademije u Vijećnici, a koja je organizovana povodom obilježavanja Dana nezavisnosti Bosne i Hercegovine – 1. marta. Ovim mladim ljudima pružena je jedinstvena prilika da u potpunosti i po prvi put vode program ove vrste te se još jednom dokazalo da je mladima samo potrebno pružiti priliku da pokažu svoja znanja i vještine, a one su te večeri doista bile na zavidnom nivou. U realizaciji cjelokupnog programa učestvovali su učenici Prve bošnjačke gimnazije Sarajevo, Srednje muzičke škole Sarajevo, Treće gimnazije Sarajevo, Srednje škole grafičkih tehnologija, multimedije i dizajna Ilidža, Srednje ugostiteljsko-turističke škole Sarajevo i Srednje škole primijenjenih umjetnosti Sarajevo. Svi učenici su dali vlastiti doprinos te su u potpunosti opravdali ukazano povjerenje.

## **PRIJEM ZA ZLATNE I SREBRENE ZNAČKE U VIJEĆNICI**

Gradonačelnica je 19. januara 2023. godine u Vijećnici bila domaćin dobitnicima najviših priznanja Univerziteta u Sarajevu u 2022. godini. Tom prilikom im se prigodno obratila, čestitala na uspjehu te uputila poruke ohrabrenja i motivacije za nastavak buduće akademske karijere, ističući vlastiti pozitivan primjer kao poruku da ne postoje granice ukoliko ulažu u sebe, svoja znanja i vještine. Simbolično im je uručila zlatnike Grada Sarajeva te poželjela sreću i uspjeh u budućnosti.

## **EVROPSKA PRIJESTOLNICA MLADIH 2026**

Kao što je bilo navedeno u prethodnoj Informaciji krajem protekle godine, Grad Sarajevo je planirao aplicirati za veoma značajnu titulu – titulu Evropske prijestolnice mladih za 2026. godinu. Proces izrade aplikacije bio je vrlo složen, te je zahtijevao konkretno učešće mladih ljudi, drugih jedinica lokalne samouprave, vanjskih saradnika, a uspješno je okončan početkom februara.

Krajem marta upoznati smo sa lijepom viješću da je Sarajevo u finalu, i to pored gradova kao što su: Izmir, Malaga, Tromso i Vila do Conde.